

124
DIATRIBE THEOLOGICA

Exhibens
Quæstiones aliquot
Selectas

DE

FOEDERE
CONNUBIALI,

QUAS

Affistente Divini Numinis Gratia

P R Æ S I D E

V I R O

Summe Reverendo, Amplissimo atq; Dignissimo

DOMINO

JOH. CHRISTOPHORO PFAFFIO,

S.S. Theol. D. ejusdemque Professore Publ. Ord. Celeberr.

Ecclesiæ Tubingensis Decano Vigilantissimo, Ducalis Stipendii

Theol. Superattendente Gravissimo,

*Patrono atque Præceptore suo per omnem vitam pie
devenerando,*

publice defender

JOH. LUDOVICUS CAMERARIUS, Reuttlingensis,

S.S. Theol. Stud.

ad diem Junii Anno MDCCXVIII.

Horis ante & pomeridianis in Aula Theologorum Nova.

TUBINGÆ, Typis JOSEPHI SIGMUNDI.


58700(14)



בשי

Quæstio I.

Num ab Orthodoxo Magistratu Heterodoxi in Civitate seu Provincia sua matrimonium inituri & in ea civiliter habitaturi tuto salvaq; conscientia suscipi possint ?



Ensus hujus ζητήματος ut eo melius constet, in ipso statim limine prænotandum est, (1.) Heterodoxos esse vel *extra Ecclesiam*, ut Judæi, Turcæ & Gentiles, vel *in Ecclesia*, licet non de Ecclesia ut Pontificii, Calviniani &c. de his, non de illis potissimum hîc quæritur. (2.) Civitates seu Provincias ratione Religionis distingui in *puras*, in quibus una eademque vera Religio est, & *mixtas*, in quibus diversæ Religionis exercitium publicum viget, quando scil. subditi in duos quasi ramos abiére & æqualiter ferme divisi sunt, ut pars una veræ, pars altera falsæ Religioni adhæreat. de prioribus non de posterioribus controversitur. (3.) Potestatem Magistratus esse vel *absolutam* sive liberam, certisque pactis aut conditionibus non implicatam, vel *limitatam* & in Capitulatione per pacta & promissa restrictam, de illa non de hac impræsentiarum quæstio est. Quibus προλεγόμενων loco præmissis Negativæ subscribimus, pro qua sequentia militant argumenta.

Primum desumitur ex 2. Joh. v. 10. 11. ubi DEUS per Apostolum receptionem ἐτεροδόξων diserte interdixit, verba ejus hæc sunt: Siquis ad vos venit, neque affert hanc doctrinam (subintellige a me reliquisque Apostolis vel voce vel scriptis traditam) ne recipiatis eum in ædes, nec ave ei dixeritis, nam qui illum recipit, & ave illi dicit, communicat operibus ejus malis, ad quem locum observari debet, Apostolum ipsa officia humanitatis & opera misericordiæ cuivis homini præstanda alienæ fidei deditiis non negare Gal. 6, v. 10. neque enim amabilis Theologus hæreticos fame sitive perituros

cibare & potu reficere aut frigore enectos tecto recipere ac refocillare vetat Esa. 58. v. 7. Luc. 10. v. 33. & seqq. aut plane omnem consuetudinem atque cohabitationem illis renuntiare jubet, sed dehortatur à scandalosa & multis modis periculosa cacodoxorum receptione, per quam frater infirmus offensionem incurrit & periculo seductionis exponitur, quo casu præstat eam recusare, devitanda enim quæ vis mali species 1. Thess. 5. v. 22. Anathema sit vel Angelus, aliûs Evangelii præco Gal. 1. v. 8. Anathema Moranatha, qui Jesum Christum non diligit 1. Cor. 16. v. 22. Ecquî igitur receptione dignandus? vid. B.D. Sonntag. Hypom. Misc. in poster. Epist. Johan. p.m. 78. & seqq. Insigniter autem falluntur moderni Separatistæ, ex præsentis loco inepte colligentes, conversationem etiam civilem, quæ in colloquiis, commerciis & contractibus consistit, cum heterodoxis atque impiis ab Apostolo prohiberi, stante enim hac *Ψευδεργυνεία* ipsemet Christus, cum improbis Phariseis & Sadducæis familiari sæpe usus conversatione reprehensionem incidit confer. B. Schom. Disput. Inaug. de Separat. §. 31. Quandoque necessitate adigimur, ut ad sustentationem vitæ nostræ & comparisonem rerum necessariarum inter flagitiosos & falsam Religionem sectantes nobis vivendum sit & homo homine ob congenitam vitæ solitariae fugam ac inevitabile quotidianæ consuetudinis commercium indiget.

Secundum argumentum petitur à variis incommodis, quæ voluntaria mixtæ Religionis admissio conjuncta habet, verendum enim est, ne vel Orthodoxi & inter eos maxime *ἀσέβηκτοι* veram fidem plane deserant, & perversæ doctrinæ participes reddantur juxta tritum illud: Claudio cohabitans claudicare discit, siquidem *ἐτεροδοξία* ad instar gangrænæ serpit, quæ levi to gradu membris illæsis vitiatas addit partes, nisi mature medicina adhibeatur 2. Tim. 2. v. 17. vel β metuendum est, ne opinionum *συγχύσις* sive Syncretismo in negotiis fidei via sternatur latissima, veritas enim doctrinæ apud simplices redditur dubia & suspecta, vel minimum eo perducuntur simplices, ut doctrinas falsas pro opinionibus indifferentibus habeant, rati, per se non interesse sive hoc sive illud statuatur aut credatur. Unde DEUS, si introduceretur Syncretismus, tam typice & allegorice quam expresse in verbo suo interdixit, typice quidem, cum prohibet animalium diversi generis commixtionem, mixtas diversorum seminum & fructuum species in agro, vinea, item usum vestimentorum ex lana linoque contextorum Lev. 19. v. 19. Deut. 22. v. 9. 10. 11. expresse autem, cum Israelitæ Infideles e terris suis popellere jubentur, ne peccaminoso eorum cultui & ipsi accedant, ruinamque suam

conferant Exod. 23. v. 33. Num. 33. v. 52. Deut. 7. v. 2. porro cum Paulus vetat
 ἐποζυγίαν 2. Cor. 6. v. 14. Eph. 5. v. 7. cum docet, hæreticos esse vitandos
 Tit. 3. v. 10. & parum fermenti totam massam corrumpere 1. Cor. 5. v. 6. Gal. 5.
 9. cum asserit, unam esse fidem Eph. 4. v. 5. ulterius, cum tolerantia erran-
 tum culpatur Apoc. 2. v. 14. 15. & Christus tepidos in fide rejecturus dicitur
 Apoc. 3. v. 15. 16. v. Bald. Cal. Consc. p. 150. vel γ. periculum est, ne turbis &
 conditionibus excitandis ansa subministretur, quas civitates mixtæ abunde com-
 robant, dissensio enim in fide tum Ecclesiæ tum Reipublicæ dissolutio, mul-
 rumque dissidiorum origo est teste B. Meisnero qui Phil. S. P. 3. Sect. 2. c. 2.
 .5. p. 888. hæc nervosa habet. *Nulla unquam familia fuit, in qua dissentiens
 religio pacem non turbârit, Exemplo est discordia inter Isaacum & Ismaelem
 familia Abrahæ, inter Jacobum & Socerum Laban in Mesopotamia. &c.
 quomodo ergo in toto regno, provincia, civitate pax & concordia sperari po-
 t, ubi Religionis ac fidei summa est discordia.* Hinc Apostolus Rom. 16.
 17. 18. scribit. Obsecro vos fratres, ut observetis eos, qui διχοστασίας &
 scandala contra doctrinam, quam vos didicistis, faciunt, & devitate eos, nam
 blandiloquentiam atque adulationem seducunt corda innocentium.

Tertium argumentum fundatur officio pii & orthodoxi Magistratus,
 ius inter alia etiam hoc est, ut nonnisi unam eandemque veram Reli-
 gionem in Republica sua foveat, ac tueatur, quamdiu sine graviore ejus de-
 cimento id fieri potest, neque quasvis sectas in gremium suum debet re-
 cere, sed iisdem summo conatu resistere atque Rempublicam ab omni cor-
 ptelarum labe immunem conservare. *In hoc enim Reges & Magistratus,*
 quit August. L. 3. contra Cresc. *sicut divinitus præcipiuntur, DEO ser-*
unt, si in regno & urbe sua bona jubeant, mala prohibeant, non solum
æ pertinent ad humanam societatem, verum etiam, quæ ad divinam Re-
igionem. *Quis quaso non rectæ rationis delirium censuerit, si zizania in*
trum, gangranam in corpus, pestem in domum, vulpem in Gallinarum co-
rtem admiseris frustra lupos collocas inter oves ne ipsas deglutiant, fru-
locustas in agros, ne fruges comedant, frustra anguem in sinum, ne mor-
nt, imo frustra ignem domui subjicis ne ardeat sunt verba Bebel. in Disp.
 damnis Rel. falsæ mixtæque in Rep. Incidunt tamen tempora, quibus pii
 ges & Magistratus pacis publicæ retinendæ causa vitandarumque intesti-
 um seditionum necessitate adducti coguntur exemplo peritorum Naucle-
 um tempestati cedere ac supersticiosos errantesque suscipere, ut potius ali-
 & Respublica & Religio habeatur quam nulla. Quò respicit B. Hüls. in
 tens. Brev. Theol. c. 20. thes. 10. dicens: *Heterodoxos circa fidem salvifi-*
 cam

eam aut pietatem eorumque cœtus Christianus Magistratus neque quoad opinionem nec quoad exercitium debet tolerare lucri aut alia quacunque de causa, nisi periculum externum violentæ everſionis & ejectionis e provincia d. la ipſi Eccleſiæ orthodoxæ probabiliter timeatur confer. Pufend. de Hab. Re. p. 232. & Budd. in inſt. Th. Mor. p. 2. c. 3. ſ. 7. p. 804. hinc olim tres illæ ſectæ Phariſæorum, Sadducæorum & Eſſæorum in Judæa ſub adventum Chriſti mundum juncctim dominabantur.

Quarto accedit præter modo allegatorum Theologorum ſuffragia etiam calculus Lutheri, Gerhardi, Muſæi aliorumque utut affirmativam plerique Politicorum ſimpliciter teneant & defendant, quorum argumenta collegit Schrie meierus in Spec. Pol. quæ ſingula cum inſtituti noſtri ratio recensere non permittat, duo potiora ſolummodo tangemus. Unum quod ex Matth. 7. v. Luc. 6. v. 31. deſumunt. Ideo enim, quia Chriſtus dixit: quod tibi vis fieri alteri quoque feceris, putant Politici, Magiſtratum Chriſtianum recipere poſſe Heterodoxos. nos inquiunt, ubique cupimus in ſocietatem civilem recipere E. & nos recipiamus omnes legibus noſtris ſeſe ſubmiſſuros Sed etiam ſi concedamus, Heterodoxos recte agere, ſi ſuſcipiant orthodoxos, & Turcas Ethnicosque hodie laudandos eſſe, ſi admittant Chriſtianos & Evangelii prædicationem non reſiſtant, inde tamen pari ac reciproco jure non inferre licet, quaſi Heterodoxi, Turcæ atque Ethnici viciffim recipiendi, iisque libertas ſuperſtitionis & propagandæ concedenda foret, uti enim receptionem veritatis in infidelibus non poſſumus non collaudare; ita receptionem mendacii (ſi ita loqui ſaſum) in fidelibus non probamus, quandoquidem verum ab errore ſeu à mendacium maxime differt, & veritas omni favore ſemper digna eſt, non item error & mendacium. Deinde, niſi pacta fundamentalia, niſi ſpes lucri niſi neceſſitas materialis atheiſmus forte concedat, ut toleremur & admittamur, relègabimur certis ultimos Garamantas uſque & fruſtra domicilium nedum civilegium apud inſanos quaeremus. Alterum quod hîc diſſentientes objiciunt, argumentum nitiſpe converſionis, quæ recipiendo allophylos in Rempublicam, quâ Evangelii veritas publicè docetur, magis affulgeat, quam ſi inter ſuos in tenebris obſcurantes ſemper hædere jubeantur, ipſisque via, quo minus convertantur, præcludatur. Verum hæc objectio in reſeſſu non habet, quod à fronte aliter videtur polliceri, nam ratio iſthæc in V. T. æque locum habebat, ea rationem non obſtante DEUS populo ſuo interdixit, ne infideles & à religione ſua alienos ſibi cohabitare permitteret, prout ex locis Scripturæ ſupra citatis conſtat. Nec malum faciendum eſt, ut inde bonum proveniat Rom. 3. accedit quod converſio Heterodoxorum corvo albo rarior ſit, id quod minus

miraberis, sive indolem eorum examines, sive in exempla vel converforum inquiras, oppido pauca, vel seducentium alios, sane quam plurima. Imprudenter certè quis agit, si vel peregrinis peste infectis hospitia aperiat sub spe remedii à Medicis inquilinis procurandi, vel ignem domui subdat, quod retinguendis incendiis tam bene ordinata sint omnia. Si vel una anima à Christo redempta veneno inficeretur, ac ex imprudentia nostra periret, satis id damni foret, de quo summo Judici rigida reddenda ratio. Distinguimus itaque inter id, quod optandum & quod sperandum, optandum quidem & seriis precibus à DEO flagitandum, quin & pio Magistratui in id summo studio incumbendum, ut ἐτερόδοξοι in viam reducantur, sed quæ bona speratur conversio, pessima sæpe fit perversio conf. Beb. d. l.

Quæstio II.

An a Magistratu Evangelico præter casum adulterii & malitiosæ desertionis plurimum iusti divortii causarum licita fieri possit constitutio?

Antequam ad problematis hujus διασκευῆν transgredimur, præmonemus, Christum unicam duntaxat legitimi divortii causam assignare Matt. 5. v. 32. & 19. v. 9. adulterium sc. non *internum* Matt. 5. v. 28. quod in foro poli & conscientiae tale est, aliàs conjugia fere quævis dirimenda forent, sed *externum* quod in foro soli & hominum coram Magistratu Politico tale est atque carnis unitatem externo actu dissolvit. Deinde non *violentum*, cum per vim alieni vitium infertur, violenter enim vitiata pro vere vitiata reputari nequit, quia ex animo, non semper ex actu æstimanda sunt delicta, & ubi deest assensus, ibi in foro civili etiam reatus atque poena cessat. Hinc August. *Ipsi Corpori non aufert sanctitatem violentia libidinis alienæ, quam servat perseverantia continentiae suæ, sed spontaneum*, plena voluntate & scientia commissum. Nec denique *duplex* solummodo, quando maritus cum alia uxore concubescit & vice versa, sed et *simplex*, quando solutus cum conjugata, juvenis cum uxore aut maritus cum soluta concumbit, adeoque nomine adulterii quævis illicita commixtio personæ conjugatæ cum alia sive ea cælebs sit sive etiam conjugata h. l. comprehenditur, quoad divortium enim nihil interest, perinde fides conjugalitatis & substantialia matrimonii potestatem corporis sui alteri violando violantur. Jungit autem Apostolus adulterio desertionem, non quidem *voluntariam*, quæ cum utriusque partis consensu suscipitur, ut si quis consentiente uxore sua præliandi vel negotiandi gratia in peregrinas abeat terras (quæ proprie sic dicta desertio non est, verum discessio ob honestam

B

causam

causam ad certum duntaxat tempus instituta, *σοργήν* conjugalem inter absentes non tollens) sed *malitosam*, quâ quis tanquam homo *ἄσοργος* data opera & nulla prorsus causa fontica motus sed temeraria levitate & malitia adductus vel clam vel palam ab uxore ipsa invita & reluctante discedit, nec animum redeundi habet 1. Corinth. 7. vers. 15. Casu priori vid. adulterii vinculum conjugale ipso jure solvi potest & solvitur. Quando enim alterutra conjugum pars fidem conjugalem per adulterii crimen frangit, tum altera innocens pars jure divortium a competente judice causarum matrimonialium petere, eoque impetrato aliud inire matrimonium potest. Casu posteriori vero matrimonium ex parte desertoris solvitur defacto atque temere & parti innocenti, quæ ad cohabitandum parata erat, & per quam non stetit quo minus illud continuaretur, conceditur a Judice competente finito legitimo desertionis processu jus & potestas novum in eundi matrimonium vid. B. Muller in Thes. de Conj. Th. 44.45. p.m. 21.22. Cum igitur juxta tenorem scripturæ duobus tantum casibus vinculum conjugii, utroque conjuge superstite rum patur, neque ulla alia causa præter modo dictas ex sacris Pandectis possit produci, ob quas divortiorum licentia in N. T. fuisset concessa, facile constat quid ad quæstionem propositam respondendum sit. Ad evitandam vero *λογισμὴν* adhuc præmittimus brevem ambiguae vocis divortii *ἐξήγησιν*, sumitur enim vel *generaliter* pro separatione sponsi & sponsæ sive conjugii nondum quidem consummati, sed tamen promissi & pacti, quo sensu rectius re pudium sive sponsaliorum dissolutio dicitur, vel *specialiter* pro separatione mariti & uxoris, & hac significatione accipitur denuo vel *improprie* pro separatione eorum, inter quos nunquam verum & ratum intercessit matrimonium ut si propter errorem personæ, ob conjugium in aliquo gradu consanguinitatis jure divino prohibito contractum &c. instituitur divortium, vel *proprie* pro separatione eorum, inter quos verum & ratum extitit matrimonium. Atque posterior hic significatus hujus loci est. Quibus de vero quæstionis statu prælibatis negativam tenemus, pro cujus confirmatione cum Theologos nostri sequentes producimus rationes. (1) de causis legitimi divortii, (quæ separationem quoad vinculum non quoad thorum & cohabitationem, ut Pontificii, intelligimus) ex solo Codice sacro judicari debet. v. B. Scherz. Syst. L. XXVII. §. 18. Jam cum ex antedictis duæ tantum causæ ibidem expressæ sint colligitur, Magistratui Evangelico, cui ad supremi Judicis vocem ipsiusque voluntatis immotam normam respiciendum est, integrum non esse plures hæc supperaddere ac introducere, quotquot enim causæ à Christo & ejus Apo-

stol

stolo assignatæ leguntur, tot in Ecclesiâ Christiana observandæ sunt. Atqui
 duæ &c. E. (2.) Si plures justæ ac validæ forent causæ, propter quas interceden-
 te Magistratus autoritate (quam omnino necessariam ducimus, cum nemini
 in sua ipsius causa judici esse liceat) divortium fieri posset, istas certe Christus
 & Apostolus *πᾶσαν τὴν βελὴν τῆ Θεῆ ὑμῶν ἀναγγείλαντες* Act. 20. v. 27.
 non dissimulassent, alias maxime Salvator noster à Pharisæis de quacunque
 causa interrogatus unam indicando & reliquas reticendo propositæ quæstioni
 non satis fecisse adeoque officio suo defuisse censendus est. (3.) Tam priva-
 tis quam publicis personis sub certa pœna interdicitur, ne Scripturæ verbis
 quicquam addant Apoc. 22. v. 18. E. causas divortii sufficienter ibi enumera-
 tas verisimile est, nec per consequens Magistratui alias constituere licet (4.)
 stante sententia contraria quilibet hanc vel illam gravem & justam venditare
 poterit causam, & sic infinitis divortiis dabitur locus, unde Magistratus no-
 dum non laxet, quem strinxit Dominus. Qui plures desiderat rationes, adeat
 B. Gerh. Tom. 7. L. L. Theol. §. 601. & seqq. cui jungi merentur B. Chemn.
 P. 2. Exam. Conc. Trid. cap. de Matrim. p. m. 442. Dannh. P. 2. Theol. Consc.
 p. 807. & Stratem. P. 3. Quæst. Acad. Art. XXIV. c. 9. Q. VII. p. m. 175. E-
 quidem ὁ θεὸς asserere non veretur, *matrimonium in se & sua natura nihil
 aliud esse, quam negotium civile humanum, unde, inquit, nec aliter conside-
 rari debet in foro, quam ut contractus curæ Principis relictus ad decorem
 & emolumentum Reipublicæ, & paulo post: quemadmodum ad ejus curam
 spectat providere, ne promiscua divortiorum licentia Reipublicæ detrimen-
 tum afferat, ita in ejus positum est arbitrio causas determinare, quibus diver-
 tere liceat, aliasque præter adulterium & malitiosam desertionem admittere
 &c.* Ita ille, sed perperam, nam contractus matrimoniales se non habent ad
 modum contractuum mere humanorum & civilium, nisi quis statuere velit,
 matrimonia ut mutuo conjugum consensu contracta sunt, ita quoque mutuo
 eorum consensu vel potius dissensu juxta reliquos societatis humanæ con-
 tractus rescindi posse, quemadmodum v. gr. emptio alicujus agri mutuo fit
 emptoris & venditoris consensu quorum uterque si consentit, ut contractus
 hic rescindatur, id licite fieri potest, at in conjugio hoc neutiquam proce-
 dit, neque enim eadem est in dissolutione vinculi conjugalis libertas per
 dissensum, quæ fuit in ejusdem obligatione & constrictione per consen-
 sum, conjugium quippe à DEO ita institutum est, ut qui semel in illud con-
 senserunt, amplius separari nequeant ex aliis videl. causis, quam quæ in scri-
 ptura sacra manifeste leguntur determinatæ. Vinculum hoc multo firmitus &
 arctius est quam inter Parentes & Liberos, quia homo relinquet Patrem &

Matrem & agglutinabitur Uxori suæ Gen. 2. v. 24. Matt. 19. v. 5. Marc. 10. v. 7. Eph. 5. v. 31. Sicut ergo naturalis obligatio filii ad observantiam, quam debet Parentibus, est indissolubilis, ita illa obligatio ex mutuo consensu orta natura sua est indissolubilis, à quâ nec alterutri nec utriq; parti proprio ausu discedere integrum. Accedit quod matrimonium dicatur fœdus DEI, non hominum Prov. 2. v. 17. similiter Mal. 2. v. 14. Conjux nuncupatur socii viri & uxor fœderis, inter quam & maritum DEUS ipse testis sit conf. 1. Cor. 7. v. 10. & Bechm. Inst. Theol. P. 3. L. XVI. p. 730. Proinde asserimus, conjugium esse juris mixti, divini & humani, *divinum* ratione causæ efficientis primæ, DEI, qui stimulos homini ad appetendam hanc conjunctionem in primæva statim creatione indidit, neque alio modo quam per hanc societatem genus humanum multiplicari jussit, hinc in Paradiso ipse primus quasi paranympus erat Gen. 2. v. 22. tum ratione alicujus finis, Ecclesiæ scil. propagationis, tum ratione adjuncti, Typi videl. spiritualis conjugii inter Christum & Ecclesiam. *Humani* juris autem est respectu causarum internarum & reliquorum finium. Ex quo patet, Magistratui excluso penitus Ministerio Ecclesiastico judicium causarum matrimonialium unice vendicandum non esse, sed ad earum cognitionem & dijudicationem etiam Theologos, qui Scripturam doctrinæ hujus normam pro officii ratione in Ecclesia vel Academiis tractant & quorum est informare conscientias de casibus dubiis in hac materia cum primis occurrentibus, admittendos & adhibendos esse, neque enim Christus Quæstionem Phariseorum matrimonialem à se amolitu devolvit ad Magistratum Politicum, prout de hæreditatis divisione & de pœna civili adulteræ consultus Luc. 12. v. 14. Joh. 8. v. 11. sed ex sacris literis eam decedit. Eodem modo etiam Paulus varia hujus generis problemata à Corinthiis sibi proposita solvit 1. Cor. 7. Cæterum non diffitemur, institui posse divortium *γενικῶς & ἀκύρωτος* sic dictum ob causas aliquas à Canonistis enarratas, de quibus, cum brevitatis studio singulas sub examen vocare non liceat, præter citatos Autores evolvantur Chem. P. 3. LL. Th. p. m. 508. seqq. Mentz. Tract. de Conj. p. m. 311. seqq. Bidemb. de Caus. Matrim. præsertim Krom. Theol. Pos. Polem. Art. XXI.

Quæstio III.

Utrum Leges & Constitutiones Levit. 18. & 20. de gradibus matrimonii prohibitis sint universales & perpetuæ, an vero particulares & temporariæ?

Tractationi hujus Quæstionis præmittere placet characteres ac notas aliquas

quot generales, quibus observatis universalis & perpetua Legis alicujus Mo-
saicæ obligatio cognosci potest, sunt autem istæ sequentes : (α.) Si lex ali-
qua in Novo fœdere iterata recurrit sive *αὐτολεξεί* ad verbum vel explicite
sive *διανοητικῶς* quoad sensum vel implicite, universaliter & perpetuo obli-
gat, ut Lex de Polygamia illicita Gen. 2. v. 24. quæ repetitur Matth. 19. v. 5. 6.
Lex de litibus interventu juramenti tollendis Exod. 22. v. 11. quæ recurrit Ebr.
6. v. 16. (β.) Si Lex Mosaica ex naturalibus deducta est principiis (γ.) ex
Lege morali liquido hausta (δ.) Si ratio Legi statutz adjecta universalis &
perpetua est, Lex quoque ipsa talis censetur (ε.) Si in V. T. Lex aliqua ejus-
modi declarationem additam habet, quod DEUS à Gentibus ob violationem
pœnas sumserit. Ubicunque vero in Lege Mosaica notæ modo recensitæ non
occurrunt, sed contrarium potius deprehenditur, istius Legis obligatio in
N. T. cessasse & consequenter Lex particularis & temporaria judicatur vid. B.
Meisn. Ph. S. P. 1. Sect. 2. Q. 3. p. m. 598. seqq. Nunc si ad trutinam harum
Regularum expenderimus Constitutiones Lev. 18. & 20. contentas, apparebit
manifestissime, earum observationem non particularem & temporariam sed
universalem & perpetuam esse. Etenim

I. Expressa harum LL. in N. T. habetur repetitio, & quibusvis etiam
Regibus præfracta earundem violatio interdicitur ut (a) Matth. 14. vers. 4.
Marc. 6. v. 18. cum Johannes Baptista Herodis incestum ex autoritate Lev. 18.
v. 16. c. 20. v. 21. argueret, dicens, *ὃν ἔξεσί σοι ἔχειν τὴν γυναῖκα τοῦ ἀδελ-
φοῦ σου* (b) 1. Cor. 5. v. 1. - 5. ubi Paulus itidem ex fundamento Lev. 18. v. 7.
8. c. 20. v. 11. Deut. 22. v. 30. c. 27. v. 20. Corinthium Incestuosum, Patris sui
thorum contaminantem, publice redarguit & Satanæ traditum excommunica-
tioni subjecit. Qui Scripturæ locus infallibili indicio est, ordinationes de-
gradibus matrimonii prohibitis universales esse, alias enim Christianis non
incumberet ad earum normam sese conformare, & LL. particulares soli
populo Judaico latæ Messia, *ὃς τέλος τῶ νόμου* Rom. 10. v. 4. in carne exhi-
bito abrogatæ sunt. Lex enim & Prophetæ usque ad Johannem (exclusive
ut numero Prophetarum V. T. eximatur) prophetârunt Matth. 11. v. 13. Luc.
16. v. 16. unde Apostolus dicit, circumcisio & præputium nihil est Gal. 6.
v. 15. & alibi : Nemo vos judicet in cibo aut potu aut in parte diei festi, aut
neomeniæ aut Sabbathorum, quæ sunt umbra futurorum, corpus autem Chri-
sti Col. 2. v. 16. 17.

II. Prohibitiones graduum Levit. 18. & 20. descriptorum sunt juris na-
turalis

turalis & omnium sanorum gentilium mentibus insculptæ, etsi quoad eorum determinationem diversitas aliqua apud ipsos occurrat, uti patet (a) ex loco paulo ante allegato 1. Cor. 5. v. 1. quo Apostolus disertis verbis ait, talem fornicationem, ut quis Patris sui uxorem duxerit, ne inter Gentes quidem audiri. E. lege naturæ prohibitam esse oportet juxta ejusdem effatum: Opus Legis scriptum est in cordibus Gentium Rom. 2. v. 15. hinc Jacobus ante solennem Legis Mosaicæ promulgationem filio suo Ruben maledixit, quod novercam suam attigerat, seque incesto facinore polluerat Gen. 35. v. 22. c. 49. v. 4. (b) ex Legibus Romanorum civilibus ab Ethnicis profectis, cum ipsis LL. divinis ex asse consentientibus. Ubicunque igitur harmonia est inter Mosæ & Ethnicos, hos jure naturæ niti necessum est, quia cum LL. Ceremonialibus & Forensibus ipsis nihil commune (c) ex honestis aliarum Gentium statutis, unde sunt, qui putent, ex eo, quod Abrahamus & Isaac Uxores suas inter Gentiles, cum quibus sibi commercium erat, vocârint sorores, colligi posse, ipsos ita conjugium cum propria sorore fastidivisse, ut audito nomine statim persuasum haberent, eas non esse uxores Gen. 12. v. 13. seqq. c. 20. v. 2. seqq. c. 26. v. 7. seqq. utut ergo matrimonia à Paganis quibusdam in gradibus prohibitis inita sint, ea tamen non evincunt, jure naturæ gradus illos esse licitos, sed argumento sunt, contra juris naturæ præscriptum & dictamen eos egisse. De naturali brutorum quorundam horrore congressus cum carne sua ad sui multiplicationem testis est Aristot. L. 9. c. 47. de Hist. Animal. & ex eo Mus. l. c. ubi duplicem memoratu dignam historiam narrant. Unam de Camelo, quem admissario deficiente Curator Camelorum matri opertæ admiserat, sed qui delapso operimento & agnito, cum matre se rem habuisse, Camelarium velut sceleris auctorem interfecerit. Alteram de Equo Regis Scytharum, qui admissus matri congressum prorsus recusaverit, ubi autem matri opertæ supervenisset, detecta & agnita facie matris fugam arripuerit & seipsum actum præcipitem interemerit.

III. Leges de prohibitis cognationis gradibus morales esse constat ex Ezech. 22. v. 10. 11. ubi observa, per totum ferme caput à Propheta redargui peccata contra legem moralem, E. etiam hæc media ejusdem generis probabiliter censentur. Sic Amos c. 2. v. 7. recitatis aliis enormibus delictis contra Decalogum pergit: Et filius & Pater, inquit Dominus, iverunt ad puellam ad violandum nomen sanctitatis meæ, adde quod hæc LL. in uno eodemque contextu cum moralibus indivulse jungantur ut Lev. 18. gradibus prohibitis annectitur lex de vitando adulterio v. 20. de fugienda idololatria v. 21. Lev. 20 pœnis violatoribus horum graduum constitutis annectitur pœna eorum, qui abeunt ad hariolos v. 6. qui maledicunt Pa-

rentibus v. 9. &c. quæ omnia Legi morali è diametro repugnant E. idem de graduum prohibitione judicandum est.

IV. Ratio statutis istis subjuncta universalis & perpetua est, quicunque enim fecerit ea, inquit Jehovah, vivet in eis Levit. 18. v. 5. Ezech. 20. v. 11. Rom. 10. v. 5. Gal. 3. v. 12. E. ipsa statuta sunt generalia & perpetua, ac proinde non solos Judæos sed omnes omnino homines obstringunt.

V. Gentes violatorum conjugii graduum solis Judæis lege positiva prohibitorum pœnas dedisse, Nomotheta expressis verbis testatur Lev. 18. v. 28. quas sane non sustinuisent, nisi ipsa natura & ratio illis dictasset, qui gradus essent prohibiti, certum enim est, juris naturæ esse illud, propter cujus prævaricationem Ethnici à DEO puniuntur. Transgressione legum particularium pœnæ divinæ rei non fiunt, eo quod ipsis non sunt lata. At transgressione præceptorum de gradibus pœnæ divinæ rei facti sunt. E se qui necesse est, hæc præcepta ipsis lata & per consequens obligationem eorum esse universalem. Conferatur B. Dannh. Coll. Decal. p. 784. seq. Dign. Dn. Præs. in Suppl. ad Synops. Thum. p. m. 537. 538. & Magnif. Dn. D. Schweder, Patronus atque Hospes meus submisso animi cultu ad cineres usque prosequendus in Diff. de Imped. Matrim. §. 16. p. 27. De cætero vana est Pontificiorum exceptio, obstrepentium, alios eodem plane modo peccasse, neque tamen æquali pœna affectos esse. E. nec gentes præcise propter conjugia incesta, sed potius propter idololatriam, adulteria &c. pœnam incurrisse. Transgressoribus enim unius ejusdemque Legis diversæ sæpius in hac vita infliguntur pœnæ, & Ethnici in Textu diserte non propter aliqua tantum sed propter omnia flagitia, quæ includuntur quoque matrimonia in gradibus prohibitis inita, dicuntur pœnas sustinuisse. Instabis autem, si dicta LL. Mosaicarum obligatio foret universalis & perpetua, semper obligassent, etiam ante earum solennem promulgationem, at posterius hoc non est, Exempla enim Sanctorum non pauca in promptu sunt, qui gradus Leviticos minus observârunt, ut Jacobus junxit sibi duas sorores Gen. 29. contra Lev. 18. v. 18. Judas Patriarcha dedit filio suo secundo genito nuptum uxorem defuncti primogeniti Gen. 38. v. 8. contra v. 16. c. 20. Lev. 18. v. 21. Amram duxit uxorem Jochabed amitam suam Exod. 6. v. 20. contra Lev. 18. v. 12. c. 20. v. 19. Denique Filii Adami matrimonio sibi junxerunt proprias sorores contra v. 9. 11. c. 18. & quæ alia sunt hujus generis exempla. Verum & generatim ad datas instantias (a) Non ex Exemplis de Regula sed ex Regula de exemplis judicandum (β) Exempla hæc nobis non esse proposita ad imitationem sed ad cautionem, *non enim videndum est*, inquit Cypria-

Cyprianus, *quid vel hic vel ille etiam ex sanctis fecerit, sed quid DEUS in verbo patefacto fieri vel jusserit vel prohibuerit.* (γ) Deum hoc fine Legem naturalem per lapsum Adamiticum quodammodo in cordibus hominum obfcuratam lege degradibus prohibitis solenniter repetita voluisse stabilire, unde exempla allata obfuscationem luminis naturæ innuunt, nequaquam autem ipsi Legi præjudicio sunt (δ) Patribus ex vitio temporum & consuetudine Gentium, inter quas versabantur, non parum adhæsisse contagii, hinc Deus dicitur nāvos Judæorum, qui in mores abierant, *τροποφορήσας* Act. 13. v. 18. v. B. Mentz. l. c. Chemn. l. c. & Bucan. Instit. Theol. L. XII. p. m. 118. Quod autem in specie filios Adami concernit, communis alias Doctorum sententia est, summum Nomothetam in conjugii eorum defacto dispensasse, sunt tamen, qui salvo aliorum judicio malint statuere, Deum illa conjugia ob inevitabilem necessitatem (cum genus humanum marium fœminarumque conjunctione ad ejus propagationem opus haberet, neque tamen in toto terrarum orbe aliæ fœmellæ extarent, quam Sorores) potius permisisse seu tolerasse, quam in illis dispensasse. Ex quo sequitur, LL. istas divinas multo minus admittere dispensationem Magistratus, cum minister, qui infra Dominum suum Gen. 50. v. 19. Matth. 10. v. 24. Luc. 6. v. 40. Rom. 13. v. 4. Leges superioris sui tollere nequeat. Ejus enim est solvere, cujus est ligare, & ad quod subjectum pertinet promulgatio Legum, ad hoc etiam pertinet dispensatio in LL. promulgatis, deinde potestatem LL. divinas relaxandi sibi arrogare nota & character Anti-Christi est, quo se supra ipsum DEum effert 2. Thess. 2. v. 4. adhæc nemo hominum in LL. naturalibus & moralibus, quales sunt LL. illæ matrimoniales in Levitico extantes, uti paulo ante ostensum, dispensare valet. conf. Matth. Syst. Theol. L. 36. S. 3. p. m. 562. seq. alia autem ratio est Legum de gradibus jure humano municipali sc. prohibitis, in his enim dispensationem Illustribus præcipue personis gravissimas ob causas, nempe ob Reipublicæ salutem & Dignitatis conservationem concedi posse extra dubium est, si quidem prohibitiones humanæ ad majorem sanguinis reverentiam tuendam divinis additæ pro locorum, temporum, personarum aliarumque circumstantiarum ratione mutabiles sunt v. Magnif. Dn. D. Schwed. l. a. §. 12. p. 22.

Magistratus tamen inferior neque in his gradibus proprio ausu citra indultum superioris, cujus vices subit, dispensationem licite largiri potest.

Quæstio IV.

*Num ex Lev. 18. v. 18. licentia matrimonii cum defunctæ Uxoris
Sorore ineundi evidenter probari possit?*

Circa hoc problema non una eademque omnium est sententia, sed mi-
rum in modum variant Doctores. Affirmativam Pontificii ad unum fere
omnes (quos multi tum ex Theologis tum Jctis nostris sequuntur) tueri au-
dent, unde operæ pretium fore rati, si ductu recte sentientium mentem Spi-
ritus S. dicto loco, ad quem tanquam primarium fundamentum pro stabilien-
da sententia sua provocant adversarii, investigaremus. Verba autem Textus
juxta versionem S. Schmidii hæc sunt: Mulierem ad Sororem ejus non acci-
pies ad æmulandum, revelando nuditatem ejus præter illam in vita ejus. Ex
quibus inferunt dissentientes (1) quidem à particulis limitativis, earum-
que sensu contrario, prohibitum est uxoris sororem ducere ad eam af-
figendam, ipsa adhuc vivente E. conditionibus his sublati, cessante videl.
afflictione & uxore mortua permissum intelligitur. Ubicunque enim Legis-
lator ipse limitavit, ibi & nobis limitanda ac restringenda est prohibitio ad
conditiones istas, hisque cessantibus cessat prohibitio ipsa. Atqui in l. c. Le-
gislator ipse limitavit E. ἀποπρον quippe foret, inquiunt, id quod DEUS
cum restrictione aliqua prohibuit, interpretari velle tanquam simpliciter pro-
hibitum, cur non simpliciter & sine limitatione locutus? (2) à calculo Lu-
theri concludunt, qui in libello, cui titulus: Vom Ehlichen Leben / idem
plane sentiat, atque uxoris defunctæ sororem ducere permittat. (3) deni-
que ex versu controversum immediate subsequenti 19. argumentantur: Quem-
admodum sequens comma ejusdem cum antecedenti tenoris nullam designat
continuitatem, quasi marito cum uxore sua, non amplius menstruata & im-
munda, haud liceret congregari; ita pariter antecedens versus nequaquam per-
petuitatem aliquam indicat, quasi Marito conjuge sua vivis evocata non inte-
grum foret nuptias cum Sorore ejus contrahere. Ad has autem exceptiones
prolatis R. (1) juxta vulgatum Aphorismum: Non statim ponitur conse-
quens, dum negatur antecedens, vel exclusiva temporis antecedentis non sem-
per infert inclusivam temporis sequentis, sed adjecta exclusiva sæpius simpli-
cem complectitur negationem, ita ut oratio per nunquam sit exponenda. v. g.
Si Pater aliquis ad Filium suum dixerit, Studium Medicum me vivo non ag-
grediari, ex adjecta restrictione non licet colligere, quod filius demum post-
mortem ejus studium illud eligat. Ita quando Davides Psal. 146. v. 2. exclamat,

Laudabo Dominum usque dum spiro, ficulnea certe foret conclusio E. postquam spirare desierit, non amplius laudabit Dominum in cœlis. adde 1. Sam. 1. v. 11, 28. Psal. 23. v. 6. unde ex eo, quod scriptum est, monente Basilio, non temere colligendum, quod scriptum non est, neque quicquid in vita alicujus prohibitum, id post mortem statim licitum censeretur. Quapropter non sequitur, DEUS duas sorores simul in torum asciscere vetuit E. successive permisit. Argumentum à sensu contrario petatum ut alias infirmum est, ita nulla ratione procedit, quando inde fluit absurdum, vel contrarium ejus ex alio scripturæ testimonio demonstratur, quod in casu proposito contingit, comma enim 16. c. 18. & com. 21. c. 20. quæ æque sunt divina veritas ac comma 18. c. 18. prohibitionem de non ducenda uxoris defunctæ sorore, in eodem affinitatis gradu, quo fratria, marito conjuncta, virtualiter ac per analogiam complectuntur. Stante igitur hypothese Antagonistarum versus modo allegati manifestam involvunt contradictionem, nam DEUS in eodem affinitatis gradu matrimonium prohibuisse & permisisse dicendus est. Accedit, quod particulæ restrictivæ præcepto negativo junctæ non semper conditionem, quæ sublata ipsa præcepti obligatio tollatur, sed sæpe exaggerationem denotent, prout ex sequentibus Spiritus sancti oraculis liquet e. g. Prov. 23. v. 22. in translatione Germanica habetur: **Verachte deine Mutter nicht / wann sie alt wird.** Inde tamen neutiquam licet inferre, matrem, quæ nondum consenuit, debere contemni, verum exaggeratur gravitas peccati, si quis matrem etiam senem despiciat conf. 1. Reg. 1. v. 6. Prov. 31. v. 12. Sir. 3. v. 13. 14. Porro Cohel. 12. v. 1. in versione Lutheri legitur: **Gedencke an deinen Schöpffer in deiner Jugend / oder weil du noch jung bist.** exinde vero concludi nequit, quod aliis diebus aut temporibus creatoris oblivisci deceat, sed quod maxime tempore juventutis ejusdem recordari conveniat. Ita si quis degeneri filio hoc præceptum det, noli furari in vita patris tui ad angustandum eum, is certe huic licentiam furandi post obitum Parentis minime facit, sed exaggerat potius scelus, si vivo etiamnum, ac superstitute Patre designetur. Proinde, quoniam quoque Deus exaggerare voluit ἀνομίαν huic conjugio adhærentem, adjecit προσδιορισμὸν exaggerativum. Ut ut ergò cesset post mortem uxoris causa specialis in prohibitione expressa vid. æmulatio, afflictio vel angustia, qualis erat inter Leam & Rachelem, non cessat tamen causa generalis, propinquitas carnis v. 6. & causa de non ducenda fratria v. 16. Lev. 18. quæ semper durant, siue intermediæ personæ adhuc sint in vivis, siue iis exemptæ. (2) Quod B. Lutherum attinet, jamdudum monuerunt Theologi nostrates, discernenda esse

De ejus scripta priora à posterioribus, in his enim sententiam suam mutavit, et manifestum est ex Rescripto quodam Consistorii Wittebergensis, ab ipso reliquisque illius ævi Theologis in casu matrimonii cum defunctæ uxoris sorore initi promulgato, quod extat apud B. H. Müllerum in libello, qui inscribitur: *Ungerathene Ehe* p. m. 33. & 34. quo Lutherus conjugium hoc non modo tanquam illicitum pronunciavit, sed eidem etiam gravem constituit pœnam. Imo quid mirum? Si Megalander noster ex Cimmeriis & Ægyptiacis papatus tenebris non uno impetu sed sensim sensimque singulari DEI beneficio emergens annis prioribus nonnulla liberius edisseruit, nihil enim humani in Lutherum cecidisse, quem Deus inter homines & hominem esse voluit, circa superstitionem nemo sibi persuadebit. Hinc scripta ejus non ut Canonica habemus, sed ex Canonicis consideramus, & quod in iis divinarum scripturarum auctoritati congruit, cum laude ejus accipimus, quod non congruit, cum pace ejus respuimus. Notatu autem dignum est, quod ipse sibi suis scriptis vaticinatus sit: *post mortem meam multi libros meos proferent in medium, & inde omnis generis errores & deliria sua confirmabunt.* (3.) Dispar ratio est versus textum controversum immediate sequentis, nam quod marito cum uxore non amplius immunda consuescere liceat, ex Revelatione divina liquet, non item, quod sororem demortuæ uxoris sibi adjungere fas sit. (4.) denique sunt, qui clausulam hanc *בחייה* per trajectionem referendam censent non ad uxorem sed ad illius sororem, ut sensus verborum sit: Non accipies uxorem ad sororem ejus &c. super eam in vita ejus sc. sororis h. e. nunquam accipies. Et sane, si quis dixerit, promisi socrui meæ, me ex imis fibris dilecturum filiam ejus, quoad vixerit, conditio adjecta refertur non ad socrum, sed ad filiam. Cùm autem trajectio in præsentī textu videatur paulo coactior, secundum alios ut Calovium in Bibl. Illustr. ad h. l. Scherz. Coll. Antisoc. fol. 350. Seb. Schmid. Comment. in Genes. p. 441. Schom. in Th. Mor. cap. XIV. §. 6. Hafenref. Lib. 3. LL. Th. p. m. 789. seqq. & Dign. Dn. Præf. l. c. p. m. 538. prohibitio *δυναμίας* & consequenter *πολυγαμίας* simultaneæ, præceptumque *μονογαμίας* h. l. continetur, ne quis videl. uxori suæ superstiti aliam quamcunque superinducat, sed post mortem prioris demum exemplo Abrahamæ ad *ετερογαμίαν* ceu licitam transeat Gen. 25. v. 1. Deut. 25. v. 5. Ezech. 44. v. 22. Matth. 22. v. 24. seqq. Rom. 7. v. 2, 3. 1. Cor. 7. v. 8. 9. 39. 1. Tim. 5. v. 14. quæ interpretatio non temere rejicienda est, (a) quia teste Noldio phrasis *חַתָּן לְחַתָּן* elegantissimo linguæ Hebraicæ idiotismo nunquam in sacris literis de Sororibus Germanis, sed semper de uno ad alterum usurpatur, nec solum sensu metaphorico

rebus inanimatis & ratione destitutis ut Exod. 26. v. 3. 5. 6. 17. Ezech. 1. v. 9. 23. c. 3. v. 13. ubi LXX. vertunt ἑτέρα τῇ ἑτέρα altera alteri, sed & de Creaturis animatis & ratione præditis ita sumitur, licet non sint sorores, uti haud obscure liquet ex Exod. 11. v. 2. Jer. 9. v. 19. & ex phrasi analogâ אִשָּׁה אֲחֵיהֶם Exod. 16. v. 15. Num. 14. v. 4. 2. Reg. 7. v. 6. Jer. 13. v. 14. c. 23. v. 35. c. 25. v. 26. Ezech. 24. v. 23. conf. Gen. 26. v. 31. Exod. 10. v. 23. c. 32. v. 27. Lev. 25. v. 14. 46. c. 26. v. 37. Deut. 25. v. 11. Neh. 5. v. 7. Esa. 3. v. 6. c. 19. v. 2. Jer. 31. v. 34. Ezech. 33. v. 30. c. 38. v. 21. Zach. 7. v. 9. 10. Mal. 2. v. 10. neque etiam Hebræi, prout Goussetus testatur, alia phrasi gaudent, qua unum ad alterum exprimunt (β) qui interdictum Polygamix Gen. 2. v. 24. exoleverat, Deus illud hîc iterasse videtur (γ) quia duæ vel plures uxores simul ductæ sese mutuo æque affligunt ac duæ sorores exemplo Hannæ & Peninnæ 1. Sam. 1. v. 6. 7. Reliquas, quæ pro hac expositione proferuntur rationes vide apud Scherz. in Syst. L. XXV. p. m. 778. & Meyer. in Ux. Christ. Sect. IV. c. 4 p. 203. Si quis vero existimaverit, hanc sententiam cum versibus antecedentibus 9. 12. 13. non posse consistere, eo quod in illis vocabulum אִשָּׁה proprie notet sororem, neque ibi solummodo sed & in reliquis versiculis de differentia cognationum speciatiim & ex professo agatur. Huic (a) Vox אִשָּׁה seorsim vel separatim sumpta plerumque significat sororem uterinam, sed non in alteri vocabulo אִשָּׁה juncta legitur (b) In uno saepe versu nedum in uno capite ejusdem vocis diversus est significatus. Sic Matth. 12. v. 46-50. appellationes fratrum, matris, sororis proprie v. 46. 47. & improprie v. 49. 50. usurpantur conf. Marc. 3. v. 31.-35. Luc. 8. v. 19-21. Psal. 22. v. 23. Joh. 20. v. 17. Ebr. 2. v. 11. 12. 17. item Matt. 13. v. 55. 56. Marc. 6. v. 3. Gal. 1. v. 19. Christus quidem μονογενὴς nullos habuit fratres & sorores natura vel gente tales, tamen quo ad cognationem eandemque familiam, sicut Abraham & Loth, qui ex prioris fratre nepos erat Gen. 11. v. 27. c. 14. v. 12. nihilominus fratres dicuntur Gen. 13. v. 8. c. 14. v. 14. 16. unde voces hæ mystice acceptæ notant eos, qui Christum in fide, non in corpore ad instar matris alicujus concipiunt, qui per Spiritum i. e. regenerationem & non per carnem fratres & sorores Christi evadunt. Ita Paulus 1. Cor. 9. v. 5. per sororem non intelligit sanguinis communionem, sed fidei & religionis professione talem h. e. Christianam Conjugem conf. 1. Cor. 7. v. 15. Rom. 16. v. 1. Jac. 2. v. 15. nam quis credat singulos Apostolos germanas habuisse sorores? quapropter quidam invertunt phrasin hoc modo: haben wir nicht macht ein Weib zur Schwester mit umher zu führen? (c) non per integrum caput sermo est de differentia cognationum vid. v. 21. 22. 23. In genealogia Christi à Matthæo & Luca descripta differentia cognationum ejus expresse habetur, hæc autem non obstante Spiritus S. voculis quibusdam

quodam diversum in una serie tribuit significatum, nam Luc. 3. v. 23. Josephus nuncupatur filius Eli, qui tamen patrem nactus fuerat Jacobum Matt. 1. v. 16. qua de causa à plurimis Interpretibus gener Eli censetur, prout olim Naemiurus suas vocavit filias Ruth 1. v. 11. adde, quod Matthæus c. 1. v. 8. digitum intendat in generationem mediatam, omiſſis tribus regibus intermediis, veluti aliàs nepos ab avo suo gigni dicitur, quo sensu nos omnes ab uno Adamo procreatos esse recte affirmatur Act. 17. v. 26. In præcedentibus autem versiculis sermo Evangelistæ est de generatione immediata, sicut hodiernum filius Patre suo immediate gignitur. Ex quibus exemplis luculenter dispalescit, vocem aliquam sub finem capitis non eo sensu semper accipi, quo accipiebatur ab initio, imo inde colligitur, Deum casibus nonnullis in specie prohibitis postea interdixisse *πολυγυναικίαν* in genere. Sed dices, ita injuriam fieri B. Luthero recedendo ab ipsius translatione. At licebit utique textu originali reclamante eam deferere, etiamsi malitiose & scienter ab ipso corruptus non sit. Postremò finge per vocem *ΠΙΠΝ* notari sororem proprie sic dictam, sensus literæ tamen stricte retineri nequit, quia analogia fidei aliaque clara & indubitata loca manifeste repugnantia tropicam explicationem requirunt. Etsi autem vel maxime in V. T. matrimonium cum defunctæ uxoris sorore inire licuisset, ex mente tamen nonnullorum ea hujus conjugii fuisset ratio, quæ vitæ divortii, ut nonnisi ob *σκληροκαρδίαν* Judæorum Moses permisisset, cui in N. T. nullus jam relictus est locus. Adi, si lubet D. Havem. in Aff. Resp. Mos. D. Sonntag. in Dissert. de sanct. Conn. Par. & Kettn. in pec. Disquis. circa h. l.

Quæstio V.

An Polygamia Patrum V. T. veri nominis peccatum fuerit?

Circa hanc controversiam etsi multi negativæ subscribant, nobis tamen affirmativa placet

I. Quia Polygamia Patriarcharum pugnat cum primæva Conjugii institutione Gen. 1. v. 27. c. 2. v. 24. quæ vim legis & præcepti habet, non quidem quoad *actus exercitium*, ut omnes indifferenter matrimonium inire cogantur, sed quoad *actus specificationem*, ut matrimonium contrahentes non alio modo id contrahant, quam à DEO institutum esse legunt. Institutum est autem inter unum marem & unam fœminam, E. præceptum hoc ipso fuit, ut nonnisi inter unum marem & unam fœminam ineatur. Etenim, si DEUS

plures uxores uni viro voluisset jungi, circa rerum primordia non unam tantum genialis tori sociam, sed plures condidisset, potentia enim ejus nequam exhausta erat ad plures ex eodem virili latere formandas. Jam vero in summo illo necessitatis casu, quo vacuus orbis Colonis replendus & plurimis myriadibus alendis sufficiens polygamiam jure quasi suo postularet, unicam tantum & non plures condidit fœminas. E. sequitur, DEUM noluisse Polygamiam, sed Monogamiam, sequioribus temporibus, in quibus nulla similis necessitas evenit, stricte servandam. Quin maluit DEUS primum Sororum Fratrumque conjugium tolerare, quam introducta polygamia id declinare, quia semel introducta perpetui moris pessimum exemplum dedisset, Conso- brinarum vero existentia statim necessitatem cum Sororibus se miscendi sustulit. Notandum autem est, quanquam vox דְּוָיִן duo Gen. 2. v. 24. in textu Ebræo κατὰ ῥητὴν non legatur, κατὰ πρᾶγμα tamen & διάνοιαν in eo continetur, nam ex circumstantia temporis & ex immediate sequentibus verbis eruitur, neque enim, nisi quis Præadamitas cum Pererio somniaverit, in universo mundo plures homines extitère, quam duo. Hinc mox subjungitur, erant autem hi duo nudi. Et Christus primævam Conjugii institutionem repetens, eamque à corruptelis Pharisaicis vindicans, voculam hanc expresse addit, dicitque diserte, eum qui fecit ab initio (is vero citra dubium DEUS est) masculum & fœminam fecisse eos, & dixisse: propterea deseret homo Patrem & Matrem & agglutinabitur Uxori suæ, & erunt duo in carnem unam. Non autem dixitis, qui ab initio hominem fecit masculum & fœminam, explicite, erunt duo in carnem unam, & tamen teste Christo infallibili ac omni exceptione majore Interprete id dixit E. implicite & quoad rem dixit illud. Eodem modo explicat Apostolus verba institutionis 1. Cor. 6. v. 16. Eph. 5. v. 31. Excipiunt Πολυγαμόφιλοι (1) Si vel maxime vox דְּוָיִן admittatur in prima Conjugii Sanctione, eam tamen non habere sensum exclusivum, quasi non plures duobus matrimonio jungi liceat, cum ab absoluta propositione ad exclusivam non valeat consequentia, quemadmodum non valet, duæ personæ Sempronius & Caja interfuerunt sacris E. tantum hæ duæ interfuerunt; sed duos dici in carnem unam fore, quod societati conjugalis minimum duas requirat personas, marem scil. & fœminam, quæ unam simplicem societatem conjugalem constituent. Quod si uni viro plures associantur uxores, esse & hanc veram societatem conjugalem, utut non simplicem, tamen compositam, uni enim relatorum plura respondere correlat, sicut v.g. unus Dominus ἔσιν & relationem habet ad plures servos, unus parens

ter ad plures filios & filias, cum quorum quolibet unam simplicem, cum omnibus vero junctim sumtis unam compositam societatem constituunt. Sed Quod vocula δύο hinc accipienda sit exclusive, & vi primævæ institutionis non plures una uxores cum uno marito in unam carnem coalescere debeant, patet (a) ex allegatione Christi ejusque Apostoli Matth. 19. v. 5. Marc. 10. v. 8. Cor. 6. v. 16. Eph. 5. v. 31. ubi articulus demonstrativus binario præfixus οὗτοι οἱ δύο numerum definit & determinat conf. Matth. 21. v. 31. c. 25. v. 17. c. 27. 21. Gal. 4. v. 24. Eph. 2. v. 15. Phil. 1. v. 23. Apoc. 11. v. 4. dein conjunctio conjugalitatis viri cum pluribus uxoribus sive Polygamia simultanea per se & naturam suam importat adulterium. Cujus rei ratio alia fingi non potest, quam quod vi divinæ institutionis conjugium tantum sit inter duos, ut una plures uxores ducere marito non liceat. Neque opus habuisset Christus numerum exprimere, nisi hoc ipso vocasset docere, duos tantum in matrimonio debere conjungi, soli enim indissolubilitati satis fuisset dixisse: conjuges debent esse una caro (b) disparatio est societatis conjugalitatis & aliarum societatum, nam quod concernit herilem & paternam societatem nec natura nec ulla institutio divina aut humana eas restringit ad duas personas sicut maritalis à primævæ institutione ejusque Interpretatione Christo ad duas personas est restricta. Accedit, quod Dominus plures sibi discipulos coire quidem soleat cum illis in unam societatem, sicut & iterum cum pluribus filiis, non tamen in unam carnem, ut maritus vi consensus conjugalitatis cum uxore, sed servus ad Dominum se habet, ut instrumentum animam ad agens principale & filius ad patrem se habet ut effectus ad causam. Quemadmodum autem non repugnat, causam principalem pluribus uti instrumentis & unum patrem per plures generationis actus iteratos plurium liberorum causam esse, pluribusque de carne sua impertiri carnem: ita non repugnat herilem societatem compositam inter Dominum unum & plures servos, paternam societatem compositam inter patrem unum & liberos plures. Aliam autem se res habet cum societate conjugali, quæ non datur alia præter simplicem, quæ est inter unum maritum & unam uxorem, uti loquuntur Mus. & Schm. II. c. (2.) reverterunt Polygamie advocati ad loc. cit. eum non interdicerem pluralitatem foeminarum, sed vinculi conjugalitatis indissolubilitatem injungere, de quo enim & non illa Matt. 19. Salvatori & Phariseis fuisse sermonem, hinc exinde contra polygamiam colligi nihil posse. At male opponuntur indissolubilitas monogamia, cum inter se non pugnent, ut à positione illius ad negationem illius concludi fas sit, quin potius duo ista simul subsistere possunt, quia non solum

solum maritus jubetur adhærere uxori suæ, sed etiam numerus definitur societatem colentium, in qua adhæsiō fieri debet. Utrumque DEUS asserit, & indissolubile & monogamicum esse debere matrimonium. Et contra præceptum contra quod peccat divortium, peccat etiam polygamia, uni enim Legi & divortium & polygamia contrariatur. Quamvis Pharisei non de polygamia sed de divortio quæstionem moverint, ratio tamen illa, ob quam Christus divortium injusta pronuntiat, etiam polygamie obstat. Imò magis polygamie quam divortio, nam Christus ideo improbat divortia, quia primæ institutioni non conveniunt, jam hæc directio obstat polygamie, neque enim ex eo, quod Deus creavit masculum & fœminam, æque statim apparet in justitia divortii quam polygamie. Adhæc non ex quæstione Phariseorum de divortio, sed Responso Christi argumentamur, utpote quod latius se extendit quam quæsitum. Idque in Colloquiis ejus sæpius observatur, inprimis Matth. 22. v. 2 seqq. ubi ex asserto Christi, Beati erunt *ισάγγελοι* tum *ἀναμαρτησία* tum *ἀθανασία* eorum recte colligitur, etiamsi neutrum in quæstionem tum venerit, unus enim medius terminus ex beneficio materię vel nexus rerum talis cognationem inter se habentium, ut una involvat alteram, sæpe applicabilis est multis conclusionibus. Atque sic unum idemque responsum Christi, quod nexus datur inter illud & conclusum nostrum, non minus contra divortium quam polygamiam militat. (3) opponunt polygamie propugnatores, si de prima cujusque rei institutione legitima ejusdem ratio petenda, sequitur, Sacram Cœnam quoque non pluribus, quam duodecim maribus simul, & quidem non secularis, sed ecclesiastici ordinis distribuendam esse. Verum distinguimus inter institutionis *substantialia* & *accidentalibus*. Institutio divina matrimonii & sacramentorum utique norma est, ad quam tanquam ad Lydium lapidem actiones illæ conformari debent, haudquaquam vero quoad *adiaphora* & *circumstantialia*, quæ non specialiter ad ipsum actum vel statum pertinent, adeoque libertati Ecclesiæ relinquuntur, alias Eucharistia nonnisi eodem loco & tempore videtur in hospitio & tempore Paschali ac vespertino, quo instituta olim fuit, celebranda esset, sed quoad *necessaria* & *essentialia*. Hinc ex collatione matrimonii cum sacramentis multum ponderis doctrinæ monogamicæ accedat. Quemadmodum enim non licet in Baptismo aquam, in S. cœna panem & vinum cum alia materia permutare; ita nec determinatam à DEO bigam in trigam aut quadrigas pervertere. Ratio connexionis est, quia numerus binarius personarum, quæ vinculo conjugali in unam carnem copulandæ sunt, causam materiale hujus status constituit, materia autem tanquam causa in-

terna essentiam rei ingreditur. Denique Apostoli in prima cœnæ institutione non ut Sacerdotes sed ut Christiani & Fideles Eucharistiam sumserunt, non enim *individualiter* vel *personaliter* considerabantur, sed *representative*, prout representabant totam Ecclesiam. Nec soli Clero ordinatum est sacrum hoc epulum docente Paulo 1. Cor. 11. v. 18. 20. sqq. 28. 33. Neque Christus unquam in verbis institutionis dixit: duodecim interesse debent Sacræ Cœnæ, sicut dixit: duo debent esse una caro. Plura dabit D. Weickm. in Justit. Cause oppos. D. Willenb. in Controv. de Polyg. Sim.

II. Calculo plurimorum Interpretum Christianorum, quorum nonnullos in proxime præcedenti quæstione adduximus, Polygamia prohibita est Lev. 18. v. 18. quæ verba ex textu Hebræo ita vertenda censent: Et mulierem ad alteram ne accipito angustia afficiendo, retegendo nuditatem ejus super hanc inrita ipsius. Expressum polygamie interdictum legitur Deut. 17. v. 17. contra quod Davides (vir secundum cor Dei, quoad religionis exercitium) & Salomono, quia Reges erant, in specie egerunt. vid. Prov. 31. v. 3. Nec est, quod quis hinc distinguat inter Polygamiam *excessivam* ac *mediocrem*, & illam, non hanc Deut. 17. v. 17. prohibitam esse censeat, quemadmodum com. antecedente 16. nimia quidem, non tamen omnis equorum multiplicatio Regi interdicta. Alia enim ratio est equorum cæterorumque animalium, alia hominum, quos Deus coniunxit, ut duo essent in unam carnem. Sæpe conjunguntur in Scriptura Sacra, quæ non sunt ejusdem generis ut Act. 15. v. 20. 29. & passim videre est. conf. Meyer l. c. S. 4. c. 6, p. 220.

III. Polygamia Mal. 2. v. 14. 15. improbat, ut enim Interpretes tam Judæi quam Christiani in loco hoc difficillimo pariter ac vexatissimo circa subiectum, de quo loquitur Propheta, non conspirent, ibidem tamen non minus polygamiam quam repudium impugnari constat (1.) quia Deus expresse testatus esse dicitur inter te & uxorem (non uxores) adolescentiæ tuæ h. e. uxorem primam quam in vegeta ætate duxisti. (2.) quia reprehenditur populus, quod perfidegerit quisque in uxorem suam, perfidia autem adversus conjugem admittitur non solum divortio sed & polygamia, sicuti Israelitæ perfide agebant in Deum non plane eum relinquendo, sed alienos DEOS simul sociando & colendo. (3.) quia uxor vocatur socia tua, cum qua societas rumpitur, si alia ei superinducatur (4.) denique quod ex plerorumque mente Deus unum tantum par, masculum & foeminam creasse dicitur, idque non ex defectu spiritus seu virium, quæ pluribus foeminis producendis suffecissent, sed quia polygamia ipsi displicuit. vid. B. Scherz. Coll. A. S. Disp. 139. Siric. Uxor. Una p. 121. sqq. Bez. contra Ochin. p. 24. & Ames. de Consc. L. 5. c. 35. p. 361. 362.

IV. Quicquid sub V. T. sive per dispensationem sive per tolerantiam fuit permittendum, hoc contra leges adeoque peccatum erat, absonum namque foret permissum quoddam aut dispensationem aliquam fingere, nulla existente Lege, quæ secus agere prohiberet. Dicat aliquis, Renati, quales Patriarchas fuisse indubium est, non facere peccatum 1. Joh. 3. v. 9. &. Loquitur Johannes (a) de hominibus renatis, in sensu reduplicativo spectatis, quatenus renati sunt sive in statu regenerationis existunt (b) de peccatis proæreticis & mortalibus, nequaquam de non-proæreticis & venialibus, cujus generis erat polygamia Patriarcharum, quippe ad condemnationem ipsis non imputata, sed condonata remissaque conf. fusius in h. l. B. Dorsch. *Ζήτημ.* in 1. Epist. Joh. c. 3. Q. 10, 12. & D. D. D. Pfaff. in Dissert. Inaug. de indole div. Renat. Quum autem præsens quæstio articulus fidei ad salutem necessarius non sit, sed potius super facto controversia, diutius e immorari nolumus. Utrumque interim quivis caveat extremorum, videl. ne priscos Veteris foederis Patres damnet, & ne illorum peccato patrocinetur.

Tu vero Summe Deus, qui es fons omnis sapientiæ & scientiæ, depelle intellectus nostri caliginosi tenebras, largire sapientiam cœlitus, quò verum verbi Tui sensum cœlestemque veritatem inquiramus, inquisitam perpendamus, perpensam ad Nominis tui gloriam transferamus: Serva nos Domine in Veritate tua, Sermo tuus est veritas.

COROLLARIA.

I. Status Conjugalis naturâ suâ non est impurus, sed sanctus, ab ipso Deo antelapsum institutus & post lapsum renovatus Gen. 1. v. 27. 28. c. 2. v. 18. 22. 24. c. 5 v. 2. c. 9. v. 1. Psal. 111. v. 3. Tob. 8. v. 5. Matt. 19. v. 4. sqq. 1. Cor. 7. v. 14 1. Tim. 2. v. 15. 1. Petr. 3. v. 2.

II. Non angelis, in quorum natura nulla est propagatio, sed hominibus tant Laicis, quam Clericis conjugium institutum & concessum est. Levit. 21. v. 7. 13. 14 Ezech. 44. v. 22. Dan. 12. v. 37. Matt. 19. v. 11. 1. Cor. 7. v. 2. 9. 28. 36. 38. c. 9 v. 5. 1. Tim. 3. v. 2. 4. 11. 12. c. 4. v. 1. 3. Tit. 1. v. 6. Ebr. 13. v. 4.

III. Cœlibatus utut in personis dono continentia præditis non sit improbandus, ad eum tamen suscipiendum nemo lege adstringendus est 1. Cor. 7. v. 7. 8. 9. 35

IV. Matrimonium, cum destituatur requisitis sacramentorum essentialibus veri nominis sacramentum jure negatur:

V. Quanquam benedictio Sacerdotalis Lege divina speciali non requiratur, observatu tamen necessaria est ad evitandum scandalum 1. Cor. 14. v. 40. Phil. 4. 8.


VI. Persona desponsata ante matrimonium consummatum cum alia concumbens adulterium committit Gen. 29. v. 21. Deut. 22. v. 23. 24. Matt. 1. v. 20. 24.

VII. Prohibitio Mosaica Lev. 18. & 20. non solum personas expresse nominatas, sed etiam gradus æque cognatos vel distantes complectitur.

VIII. Quemadmodum Parentum consensus non excludit consensum eorum, inter quos matrimonium contrahendum est; Sic consensus horum non excludit consensum Parentum Exod. 20. v. 12. c. 22. v. 17. c. 34. v. 16. Num. 30. v. 6. Deut. 5. v. 6. c. 7. v. 3. Prov. 1. v. 8. c. 6. v. 20. c. 23. v. 22. Jer. 29. v. 6. Tob. 4. v. 3. c. 6. v. 14. Sir. 3. v. 9. c. 7. v. 27. Matt. 15. v. 4. Marc. 7. v. 10. 1. Cor. 7. v. 36. 37. Eph. 6. v. 1. 2. Col. 3. v. 20.

IX. In personis matrimonio jungendis requiritur tumabilitas *physica* sc. quantum iudicii integritas & sanitas, quam corpus aptitudo & iusta ætas; tum *moralis*, ne impediatur ex consanguinitate & affinitate.

X. Disparitas Religionis ob periculum seductionis dissuadet non dissolvit matrimonium Exod. 34. v. 16. Deut. 7. v. 3. 4. Jud. 3. v. 6. 7. 1. Reg. 11. v. 1-4. Sir. 47. v. 21. Matt. 5. v. 32. 1. Cor. 7. v. 12. 13.



Hoc opus, hic labor est thalami de fœdere tantâ
Cum curâ nodos solvere difficiles.

Laudatissimis Clarissimi Dn. Autoris conatibus ita applaudit

D. JOH. CHRISTOPH. PFAFF, Præses.

Agnate, felix copula perplacet,
Quâ veritatis fit pietas comes:
O sic Deo ducente semper
Theiophilo benè cuncta cedant!

Ex voto & sub applausu

RUDOLPHI JACOBI CAMERARII, D.

Propitio Cathedram conscendens Numine sacram
Spem Patriæ complex, & pia vota Patris!

De Academico specimine Dn. Cognato Charissimo gratulatur

ELIAS CAMERARIUS, D.

Præside qui gaudes felix solido atque profundo
Thejologo, multum profice, disce, stude.

Benè disputanti Cognato applaudit

ALEXANDER CAMERARIUS, D.

Wann des alten Adams Fleisch auf den Bollusts-Rosen geht
Muß der nimmer selge Geist sich mit Dorn und Stacheln quälen/
Recht / mein Freund! daß seine Seel sich mit Jesu will vermählen/
Weil man bey der Salems-Ros ewig so in Gnaden steht.

Zu Bezeugung seiner Schuldigkeit wolte dieses wenige beysetzen des Hrn. Resp.
aufrichtiger Diener und Tisch-Compagnon

G. F. Seeger, LL. Stud.

Si vis esse aliquid, discas nihil esse : Supremam
Des summo laudem : Sic benedictus eris.
Copula cum CHRISTO TIBI sit, CAMERARIE, grata,
Copula cum mundo sit TIBI nulla, precor !

*Venerabili & Praclarissimo Dn. Respondenti, Cognato, Amicò, & Conterraneo suo
Dilectissimo, hac pauca cum veto omnigena salutis apponere voluit ac debuit.*

JOH. JAC. WUCHERER, S. S. Theol. Stud.

Wer etwas schönes baut / doch solches nicht erhält /
Hat nichts als lauter Eppott und Schaden vor der Welt :
Er aber / wehrtester Freund / beschützet seine Schrift
Mit grossem Ruhm / ob schon manch starcker Streich ihn trifft.
Zu schuldigsten Ehren seines hochgeehrten Herrn Betters wolte diese
schlechte Zeilen aufsetzen dessen ergebenster Diener und Better
Christoph David Gerlach / LL. Stud.

Dum cathedram doctam suavissime scandis Amice,
Gratulor ex animo, prospera cuncta fluant.
Egregioque Tuo par sit fortuna labori,
Cum meritis nunquam præmia Jova neget !

Ita Domino Auctori Dissertationis Clarissimo Cognato ac Fautori suo æstumatissimo vove

C. P. KALBFELL, Reuttlingsenlis.

Disputat egregio noster Camerarius ausu !
Prospera perpetuò fata precemur Ei !

Honoratissimo Domino Cognato gratulatur

JOH. CHRISTOPHORUS CAMERARIUS, Med. Stud.

Improbis ecce ! labor feliciter omnia vincit,
Quæ nunquam segnis mens superare potest :
Sic jam Respondens præclarus, dura ferendo
Adsiduus finem contigit huncce suum.

Paucis hisce Contubernali suavis. mentem suam benevolam ex officio declarare voluit

Matthæus Wieland, Biberaco - Suevus Phil. & Theol. Stud.

Quam sis egregio dotatus acumine mentis,
Foetus hic ingenii sat probat atque docet,
Gratulor ergo, Tuos profectus, suavis Amice,
In studiis istis non latuisse sacris.

Hæc pauca Clarissimo Dno Respondenti, Amico suo æstumatissimo adjicere vol. deb.

J. G. M. S. S.

Quò bene cedat opus, Tibi gratia Numinis adsit,
Scansuro Cathedram, Frater amande, precor.

Hæc gratulabundus apponere debuit
Phil. Godofr. Camerarius, Ser. Stip.